

FIKAMBANANA SY ONG MAROMARO

Manana fanamby ho fampandrosoana ny tanora Malagasy

Manana fanamby maromaro ho fampandrosoana ny tanora Malagasy ireo fikambanana sy ONG, nikaondoha tamin'ny voalohandohan'ity volana aprily ity. Ireo fikambanana sy ONG ireo dia nahitana ny: Observatoara Momba ny Tanora, ny ONG Hintsy, ny SAF FJKM, ny CCOC, ny JAI, ny Code Menabe ary ny RJDP. Nambaran'izy ireo: ekena fa maro ireo ezaka nanao ho an'ny tanora, na avy amin'ny fanjakana izany, na nataon'ireo tsy miankina. Anisan'ireo ezaka ankehitriny ohatra ny nampidirana izany anatin'ny Plan Emergence de Madagascar (PEM). Ankoatr'ireo vokatra azo tamin'izy ireny, izay mety ho nahafa-po ny mpiantsehatra na tsia, dia tena ilaina ny mandrefy ny fiantraikany eo amin'ny tanora. Ny mahavita hetsika fotsiny tsy ampy, fa ny hampisy akony amin'ny fisitrahana ny tanora maro an'isa no tena ilaina. Sombitsombiny ihany amin'ireo fanamby lehibe anton'izao sisi-kevitra izao no atsipiny ny teny ho an'ireo tompon'andraikitra isan'ambaratonga,

mba hahatonga ireo tanora 8 tapitrisa mahery ho tena fanoitr'ity firenena ity tokoa, ary hahatonga azy ireo hanana fanantenana azo antoka amin'ny ampitso, izay efa tena akaiky. Rahampitso sy afaka 10-20 taona izy ireo dia tokony ho mpiantsehatra mahefa amin'ny fandraisana anjara ara-politika, sosialy, fihariana, kolontsaina, ny tontolo iainana sy ny fiarahamonina ankapobeny. Afaka 20-30 taona kosa dia mba hioty ny vokat'izany fisasarany izany, hiaina finaritra, ho ela velona ary hamela mamamy ho an'ny zanaka amam-para. Ny taranaka aorian'izy ireo kosa avy eo dia mendrika handova tontolo azo iaingana, ho amin'ny tsaratsara kokoa hatrany. Ireo fanamby lehibe atolony: Ny tokony ho fanontaniana lehibe apetraka dia hoe "atao ahoana ny famolavolana tanora ho tonga tompon'andraikitra amin'ny tenany sy ny manodidina azy ary ny firenena?" Ny ilaina hiarahana miakaon-doha dia hoe: "inona avy ireo soatoavina tena iriantsika ho atsan-gana ho tanjona?"

Tena ilaina ny manana voka-pikarohana mahakasika ny lasa niainana sy ankehitrin'ireo sokajy 30 taona, mba hahafahana mamaritra izay banga sy tohana hilaina. Sosokeviny ny hanaovana fikarohana matotra sy lalina ary fampanjariana (capitalisation) ireny loharanom-pahombiazana (facteurs de réussite) ireny, hisintonana zotra enti-mampandroso ny tanora Mila lasitra (politikam-pirenena) matanjaka, ilasiran'ny rehetra, miainga avy eny ifotony, ary mirindra tsara amin'ireo politikam-pampandrosoana isan-tsokajiny (asa/emploi, travail; kolontsaina, mahaolompirenena, fahasalamana, sns... ny famolavolana tetik'asa ho an'ny tanora. Raha tsy izany dia vokatra mivana, mandalo ary vitsy mpisitraka no ho azo. Mila tombana ohatra ny politikampirenena ho an'ny tanora. Ireto ny andininy vitsivitsy voakasik'izany: andininy faha 4: mame-traka ny tanora ho loharano stratejika ho an'ny fampandrosoana: nanao ahoana ny fanatontosana izany tamin'ireo politika ankapobeny ho an'ny fire-

neny? Andininy faha 5: ahoana ny fampanjariana ireo soatoavina voalaza ao amin'ireo drafitr'asa isan-tsokajiny? Andininy faha 6 sy faha 7: nanao ahoana ny fahatrarana ireo tanjona voalaza ao? Andininy faha 9: ny tombana izay natao. Ireo no lafiny teknika (méthodologie) tsy maintsy azo antoka raha te hanana paik'ady mitombina isika. Andininy faha 10: tsara tombanana ny fandraisana anjaran'ireo vondrombahoaka itsinjaram-pahefana sy ireo rafitra eny ifotony amin'ny fampandrosoana ny tanora. Ilaina ve ny mampatsiahy fa ireo faritra 22 misandrahaka amin'ireo komina 1695 dia rafitra fampandrosoana ifotony? Ilaina jerena koa ny fandriandra ireo mpiantsehatra ho fanasongadinana kokoa ny tombantsoan'ny tanora Amafisina ny sosokevitra niarahana tamin'ny CCOC, dia ny hisiana sehatra ifampidinihana maharitra ao anatin'ny fomba fiasan'ny departemanta misahana ny tanora, sy any amin'ireo vondrona sy ratsamangaika sahaniny. Aly

Kitra "Super League Européene"

Mampisy resaka be any Europe

Navoakan'ny gazety New York Times tamin'ny alahady 18 aprily 2021 lasa teo fa: nanambara ny fitsanganana ny fifaninanana baolina kitra « Super League Européene » tamin'ny fomba ôfisialy ireo klioba miisa 12 lehibe sy matanjaka any Europe: Real Madrid, FC Barcelona, Atlético de Madrid, Juventus Turin, AC Milan, Inter Milan, Liverpool, Manchester United, Manchester City, Chelsea, Tottenham ary Arsenal, na dia teo aza ny fandavana mavaivay nataon'ny UEFA sy ny « Ligues Nationales » ary ny Eca an'izany. Tafiditra tao anaty fanambarana niombonan'izy ireo ny hiresahana matotra amin'ny UEFA sy ny FIFA ny amin'ity Super League ity, sy ny hanatsarana ny baolina kitra iraisampirenena mihitsy ankehitriny. Efa an-taonany maromaro izao no nieritritra ny hanatsarana ny kalitao sy havitrihan'ny fifaninanana any Europe ary namafisin'ny fitotongan'ny ara-

toekarenan'ny baolina kitra Eorôpeana, noho ny areti-mandoza coronavirus mihanaka eran-tany ankehitriny. Efa nambaran'ireto ekipa ireto koa ny raikipohy hitondrana an'ity fifaninanana ity, izay handraisana klioba 20 anjara dia ireo ekipa miisa 15 mpanorina miampy an'ireo ekipa 5 hafa, izay voakilasy ho mendrika indrindra tamin'ny taom-pilalaoavana lasa. Hatao isan-kerinandro miaraka amin'ny fiatrehan'ireo klioba ny fifaninanana any aminy avy ity lalao Super League ity. Isaky ny volana aogositra no hanombohan'ny taom-pilalaoavana, ka hozaraina vondrona 2 hanao lalao mandroso sy miverina avy ireo ekipa 20 mpandray anjara. Ireo ekipa 3 tafavoaka voalohany isam-bondro no hiatrika ny lalao 1/4-dalana ary ireo ekipa faha-4 sy faha-5 kosa dia hiatrika fifanintsanana manokana "à deux jambes", ka hiatrika ihany kosa ny 1/4-dalana avy eo. Ny lalao famaranana kosa dia lalao tokana ihany, ka hatao any amin'ny kianja "neutre" isaky ny faran'ny volana mey amin'ny taom-pilalaoavana. Arika izay azo atao dia aorianan'ny fanombohan'ny fifaninanana ny sokajy lehilahy amin'ity Super League ity dia hatomboka ihany koa ny fifaninanana sokajy vehivavy izany dia ho fampirobovoana ny baolina kitra vehivavy maneran-tany. Noheverin'ireo mpanorina, fa hampiakatra avo ny toe-bolan'ny

tontolon'ny baolina kitra Eorôpeana, sy hampiakatra ihany koa ny fandoavana ny "Solidarité" eo amin'ireo klioba any antoerana ity fifaninanana vaovao ity. Marihana anefa fa niteraka resabe hoan'ireo klioba hafa any Europe, sy ireo mapano-

hana azy avy ary ireo hainovakijery samihafa ity fanambarana ôfisialy ny fananganana ny Super League any Europe tamin'ny alahady teo iny, ka toherin'izy ireo marindrano mihitsy.

Rainilita

Tovovavy mahery vintana

Maty na marary izay tovolahy miaraka aminy

Hafa raha samy hafa in-dray ity tranga ity satria hay ve misy izany tovovavy mahery vintana izany, ka raha tsy marary dia maty mihitsy izay tovolahy miaraka aminy.

Tsy lavitra fa teto Antananarivo ihany no nisehoan'ny tantara. Sady mahay no tsara tarehy ity tovovavy ity. Tsy vitan'izany ihany, fa sady tsy miavona no mifandray amin'olona izany izy ary sariaka amin'ny mpiaramonina ihany koa. Ny mahagaga anefa hoy ny mpiara-monina dia izay tovolahy miaraka aminy dia na marary, na maty daholo, dia toy izany hatrany. Rehefa nanontaniana anefa ny fianakavian'ireny tovolahy ireny dia tsy mahatsapa na inona na inona fa maty na marary fotsiny izao. In-

dray andro ary dia nisy tovolahy saika haka vady azy no nanatona mpitsabo aloha satria matahotra ny ho faty koa ka niantso an'i Mr Aina tamin'ny 0342902668 sy ny 0338348163, mpitsabo eny Itaosy ary dia nanadeha nanatona azy. Vao nihaona izy ireo dia fantatra ny nafenina. Omeko ny lakilen'ny fitiavana ary ianao hoy ity mpitsabo ity fa ho vadinao izy ary hiteraka soa amantsara ianareo roa.

Narenim-bintana ilay tovolahy

Mahery vintana io tovovavy io hoy ity mpitsabo ity ka izay miaraka aminy dia maty na marary avokoa. Teraka alakaosy izy io hoy izy ka tsy maintsy arenim-bintana izay miaraka aminy raha tsy te-ho faty koa. Nampandroina

Zandarimariam-pirenena

Lalam-poza amin'ny RN1: mahavaosazy ny fitaterana antsokosoko

Nanao hetsika fanaraha-maso ny fanatanterahana ny fepetra sakana, manoloana ny hamehana ara-pahasalamana ny Zandarimariam-pirenena amin'ny faritra Analamanga sy Itasy, ny faran'ny herinandro teo. Ankoatry ny eny amin'ny arabe: lalam-pirenena dia notsirihiha manokana koa ireo lalan-kely anaovan'ireo bisikileta sy moto lalam-poza amin'ny fitaterana olona antsokosoko.

Nisy tamin'izany ny tafatafa teny ifotony niarahana tamin'ny Kapiteny Manampy Chantol, komandin'ny Vondron-tobim-paritry ny Zandarimariam-pirenena Arivonimamo, teny amin'ny barrage RN1, Bemasoandro, kaominina Imerintsiasosika, distrikan'Arivonimamo.

Niaina

Taratasin'ny mpamaky

Fanehoan-kevitra ampitaina amin'ny gazety Ny Valosoa Vaovao izao manaraka izao: indramiko kely zay teny zay hoe: "TSY MANOHITRA BE FAHATANY, FA MANANA SOSOKEVITRA HAMPANDROSOANA NY FIRENENA". Asa na misy mahatididy angamba io teny io. Io teny io dia, efa nisy hatramizay fa tsy teny azoazo teny fotsiny. Zany hoe izy io dia tenin'ny mpanoratra hoe: "REHEFA MANOHITRA DIA MILA MANDROSO VAHAOLANA". Eto aho dia miaiky tanteraky fa tena, hafa ihany zany Filoha RAVALOMANANA Marc zany. Olona tena manana vision tokoa izy ary tena hita hoe, ampiheverana avokoa zay zavatra ataony rehetra. Zaho mino fa tsy zahy irery no mahatsapa izany matoa tsy maty anarana ity Raimandreny ity hatram'zao fa ny Malagasy rehetra, mbola manantena ny fiverenany eo @ fitondrana indray ny Malagasy ankehitriny. Hita taratra tokoa tatoa fa raha tsy teo izy @zao fitondrana izao dia efa azo sokajiana fa tena rava i Madagasikara. Manaiky aho fa izy no Raimandreny akaiky ny Malagasy ary mihazaka zay hampandroso ny firenena. Raha izy angamba no atao mihaino dia possible lasa lavitra tsika, fa soa ihany fa efa manomboka mihaino azy ny fitondrana ankehitriny ary tsy vitany hoe mihaino fotsiny fa tena hita hoe, manatanteraka izay lazain'ny Raimandreny Filoha RAVALOMANANA. Eny e, mety hoe nohon'ny henatra @ hambopo be loatra ananan'izao fitondrana izao dia, mody mandà ihany izy fa fantatra ihany hoe manaiky ankolaka. Ny olombelona tsy tonga lafatra fa rehefa mba motivée ny zavatra atao dia mba norme izy zay. Ary io resaka motivation io no hita tsy ampy @ mpitondra ankehitriny, mahavita miresaka, ary dia mampanantena mihitsy nefa tsy mba mahay mi-motivé zavatra refa misy tsy fahatanteharan'ilay teny navoaka. Ex: "Hampitomboina ny tany fambolembarany eto M/kara", motiveo ary hoe hampitomboina tokoa lay izy, satria raha ny zavatra hita dia mifanohitra @zany, fa toa lasa ny tanimbary indray no tofotona raha ny zava-misy. Hatreto aloha raha ny amiko manokana dia mila ny fandavatenan'ny Raimandreny Filoha RAVALOMANANA (DADA) ny firenena, mba hanaiky hiverina eo @ fitondrana. Vonjeio i Madagasikara Président, mila anao ny Malagasy!

Etahorany Alexandre Bravo Mpamaky gazety Ny Valosoa Vaovao



Ny sary famantarana ny Super League Européenne.